


Gonja

Year 1

Kaba

4

KASIBƎ BE MBRA



NGBAR NƎ KUMOBƎ KETA N SHUƆ

Ngbanyato be kasibƎ be mbra

KASOTOFUTI

Kaba ere bee mige mbra mone baa beso a sibe Ngbanyato nna. AnyeeƆ bir kasibe be mbra be kelijima ta n laƆƎ atere, ashuƆso, ntilemu nƎ adulwiso be kabaso. Sososo, anyeeƆ bir mbra nƎ a bee kuƆ atere be kelijima, m ba ta ntilemu, adulwiso, ashuƆso nƎ adelgeso m ba beso. Kede la kebla fo ase nene nna ta n laƆƎ Ngbanyato be atere, ntilemu, adulwiso, ashuƆso nƎ adelgeso be mbra nƎ keta n shuƆ be kabaso nna. Mbra nƎ fo bii Ngbanyato na nƎ aso pote nƎ fee bii fane mbronito bee lie abar nna.

Kasobii be Asokpra

1. Be atere nƎ ntilemu be kasibe be mbra be ekpa so n kuu mmalgafol.
2. Be adulwiso be kasibe be mbra be ekpa so n kuu mmalgafol.
3. Be ashuƆso nƎ adelgeso be kasibe be mbra be ekpa so n kuu mmalgafol.

Alakal Tenini

- Atere bee shuƆ eworo, esoro tanyuso nƎ esoro tangelge be kushuƆ, ketere delgesobi nƎ kamalgafolshij be kumu be kushuƆ.
- Ntilemu gba bee shuƆ eworo nƎ esoro be kushuƆ kekuu mmalgafol to.
- Adulwiso bee delge atere so nna. Amo e naa junkpar atere mone a bee delge so na saƆ damta ashi Ngbanyato.
- AshuƆso bee delge kesheƆworo nko kanane kusoro nko kesheƆ la so nna. Ngbanyato, kushuƆso be keta n shuƆ maa be aso be kanane a sa so. Anyee ta atere nƎ ashuƆso nna a shuƆ a kor ama amo nƎ ntilemu baa shuƆ bre, a bee shuƆ konkonwuleso nna.
- Adelgeso bee delge ashuƆso so nna n ka beenj tij n delge amo braana adelgeso gba so.

ATERE

Lalaluwe be kaba na to, anye bir atere be kelijima. Anye tii atere be akeniso n shin bir katuŋ mone a bee luri to be kelijima.

Mfɛra be mbishi: Feeŋ tiŋ n nyiŋi atere be ntuŋ na aa? Sibe amo n nase.

Atere ela kanane ba tere baasa, mboŋ, asoɔɔaya ne aso. Saŋe damta kamalgafol maa paŋ ketere koŋwule bre. Ketere been tiŋ m ba ne atanyusobi fane ‘na’, ‘ko’ nko ‘ere’.

Katilemu

Katilemu la kamalgaba mone ku been tiŋ n yili ketere be aya to nna fane mo, kumo, fo, ma, bu, bumo, anye, ne adamta. A been tiŋ n shuŋ fane keterefolshiŋ.

Jande ba deso: Ashi Ghana be ngbar damta to, ntilemu maa tiŋ a ŋini keche ne kenyeŋ be mbarga. Le ne ku du Ngbanyato aa? Fo ne fo barkasa e bir kumobe kelijima n ta atuwebi na n ŋini eŋinipo.

Kasobii ere to, anye bir atere ne ntilemu be kasibe be mbra be kelijima.

Kushuŋ

Keni vidiyo na n shin chigeto fobe lakal ta n laŋe atere be ashuŋ be kabaso n sa fo braana.

[function of nouns YouTube video - \(https://www.youtube.com/watch?v=rURutv7N_ns\)](https://www.youtube.com/watch?v=rURutv7N_ns)

Naniere, ta kusone fo keni m pe n nase na n karga ade so:

Atere ka yili fane eworopo

1. Mbra mone ba beso a ta atere a kuu mmalgafol kor abarto nna ashii Ghana be ngbarana to. Amo kike to, atere bee shuŋ fane:

a. Eworopo ashii mmalgafol to

Anyee wu atere eworopo be kaboŋ nna ashii Ghana be ngbarana to. Amo e na kaa la sososo be kamalgaba ngbar damta to fɔŋfɔŋ ngbar mone bumobe mmalgafol be kapor la Eworopo Kushuŋso Esopo. Keni ade:

i. **Amaabaŋe** yo borelambu to.

- ii. **Abuku** kɔ yawu ga.
- iii. **Kanyiashen** ela kebawɔtɔ lɛla be kefiɲidibi.

Ashi esoso be akeniso na to, anye wu atere na **Amaabaɲɛ**, **abuku** nɛ **kanyiashen** ka wɔ ewɔrɔpo na be kabonɲ.

- b. Esɔpo ashi mmalgafol to (esɔpo tanyuso nɛ esɔpo tangelge)

Atere beenɲ naɲ tiɲ n shuɲ fanɛ esɔpo ashi mmalgafol to. Esɔpo na beenɲ tiɲ a la esɔpo tanyuso nko esɔpo tangelge. Keni ade:

- i. Anye kɛ Ntareka **buku**. (esɔpo tanyuso)
- ii. N ta klembi n sa **Samaakuse** (esɔpo tangelge)
- iii. Kpalawoso chise Nyɛfianɔto **kakɛ**. (esɔpo tanyuso)
- iv. Amaabaɲɛ tɔ kakɛ n sa **Nyɛfianɔto**. (esɔpo tangelge)

- c. Atere bee shuɲ fanɛ ketere delgesobi nna ashi Ghana be ngbarana ko to. Kede la ketere monɛ ku bee delge kumo barkasa ketere so nna. Keni ade:

- i. **Rɔba** be kaba na wɔ Dari kutɔ.
- ii. **Sukuru** be kabuna na tii.
- iii. Bu tɔ **kawol** be bagi.

- d. Keterefolshiɲ be kumu: atere beenɲ tiɲ ba fanɛ keterefolshiɲ be kumu. Keni ade:

- i. **Aklembi** kɔ yawu ga.
- ii. **Ebu** pupɔr na bee tushi.
- iii. Anye wɔ **epe**.
- iv. **Kowu** gbonɲ ko tɔr kabre.

- 2. Jande baa deso: Mbra monɛ bu kɔ a ta ntilemu a kuu mmalgafol kɔr abarto ashi Ghana be ngbarana to nna.

Amo kike to, ntilemu bee shuɲ fanɛ:

- a. Ewɔrɔpo ashi mmalgafol to. Keni ade:

- i. N yɔ sukuru.
- ii. **Anye** bee keni avidiyo tarukama.
- iii. **Bu** mushe kagbenefuliso.

- b. Ntilemu gba bee shuŋ fane esopo ashi mmalgafol to (esopo tanyuso ne esopo tangelge). Keni amobe akeniso kaseto ere:
 - i. Samaakuse wu **bumo**. (esopo tanyuso)
 - ii. Amaabaŋe ta klembi n sa **mo**. (esopo tangelge)
 - iii. Amaabaŋe sa **mo** klembi. (esopo tangelge)
 - iv. Enjinipo na sa **anye** epe be kushuŋ. (esopo tanyuso)

Kushuŋ

1. Dinito ketere n shin sa fane akeniso kudu. Chige ketuwebi na to n sa bebiipo kike ebiikpa.
2. Kunyonyoto, menye e sibe atere be ashuŋ anyo n nase. Menye e daŋe benyo ko so ne menyebe katuŋ e bir kumobe kelijima.
3. Dinito katilemu n shin sa fane akeniso kudu. Chige ketuwebi na to n sa bebiipo kike ebiikpa.
4.
 - a. Kraŋ kaseto be keboaya ere ne menyebe ntujana to, menye e pin atere ne ntilemu kumo to.
 - b. Ta atere ne menye pin na be anu n kuu mmalgafol birabarso. Blase ne fo chige fobe ketuwebi to n sa bebiipo kike ebiikpa.
 - c. Ta ntilemu ne menye pin na be anu n kuu mmalgafol birabarso. Blase ne fo chige fobe ketuwebi to n sa bebiipo kike.

Njono

Njono la asoboaya ne ekama nyi nene nna ne bu gbugi a la anyebe asoboaya-teriana durnyan kike to. A ko nnembi damta ne amobe eyerto be kapor, adabi ne kayerwule kor abarto. A la aya ana wuraana nna ne amo niopibiana la ajinkaamu ne a wo kupunto. Saŋe na ebi ka daŋ bla jinkaamu a ji kekpaŋ so, a daŋ cherga amobe kebawoto nna m be bomin so n taga baasa to. A bee woro aso ga a pin dimedi be kebawoto fane kasha, kanyaŋ ne kufuu n saa be amo so loŋ. Adamtato, njono bee gberge efe ga. Amobe asoe naa nu ga a tiŋ a nu awor be yiri kike kufo. Kusone ku shine njono ko kasha ga ela fane feeŋ tiŋ bla amo ne a baa shuŋ ashuŋ damta. Kecheto be njono been tiŋ che atanpo to karechekama, loŋ ne kebawoto be njono bee tiŋ a lulo baasa mone bu wo kayernyan to. Bu naa ko njono a yo kafin ne kemolwo baasa to n saa gberge efe ne kushuŋso maan tiŋ. Aso lela ne njono bee woro ere be jaga, amobe nkpa man wonten fane mfe kudu n yo mfe kudu anu

nawule nê a bee ji. Amo nê amo, a kò kasha nna nkpal amobe kecheto so, buko bee karga njónò damta nna a tii bumo kanaṅ shaso so durnyaṅ kike to.

Kushuṅ

1. Pin mmalgaba mone amobe nseto chaṅ na be ashuṅ. Ta fobe atuwebi n kasar fo braana peya so.
 - a. Bebiipo nyipo na nite ndre.
 - b. N chise Samaakuse amansherbi.
 - c. Eṅinipo na sibe egbelsibesò pupòr na so.
 - d. Bu ler n choṅ Busunu.
 - e. Enitepo na tò afuṅa n sa mo.

KEPALTO BE MBISHI

1. Ta fo gbagba be mmalgaba n n̄nito kusɔnɛ ku la ketere delgesobi. Sa akeniso anyɔ n shin chige fobe ketuwebi to n sa fo barkasa.
2. Fobe eninipo been sa menye kebɔaya monɛ ku maŋ niŋi. Kraŋ kebɔaya na n shin pin asɔ monɛ a maŋ niŋi kumo to.
3. Dinito ntilemu be tanyuso nɛ tangelge be ashuŋ ashi Ngbanyato. Ta n karga ngbar pɔtɛ monɛ fee bii nko nɛ fo nyi peya so.
4. Sa atere monɛ a bee shuŋ fanɛ keterefolshiŋ be kumu be akeniso anu ashi Ngbanyato. Chigeto n sa Bebiipo kike ebiikpa.
5. Kunyɔnyɔto, sibe mmalgafol kudu nɛ ntilemu la ewɔrɔpo n shin kaŋɛ amo nɛ ashuŋso na mata abarso nna nko a maŋ mata abarso. Ta n karga ngbar pɔtɛ peya so n keni n shin ji amobe asheŋ n sa Bebiipo kike.

KEPALTO BE MBISHI BE ATUWEBI

1. Ketere delgesobi la ketere mone ku bee delge kumo barkasa ketere so nna. Saŋe damta kumo e naa junkpar ketere gbagba na. Keni kede: **Sukuru** be egbal na tɔr.
2. Atuwebi na been shi keɔaya mone bu sa na to nna. Bishi fobe eninipo ne e sa keɔaya na be atuwebi. Ta amo n karga fo gbagba be kushuŋ na so n keni.
3. Ketuwebi na been shi ngbar mone fee bii na to nna. Ku been tiŋ n wɔrɔ ne esopo tangelge na maŋ kɔ achosobi ne a junkpar.
4. Atere ne a bee shuŋ fanɛ keterefolshiŋ be kumu
Keni ade:
 - a. N wu **kedibi** tenten na.
 - b. Bu fa **ekuloŋ** dra na.
 - c. Edɔpo na fa **atoto** pupɔrbi.
 - d. **Kowu** dradra maŋ daga kebaa wɔ kumo to, ne adamta
5. Ashi Ghana be ngbarana ko to, baa sibe katilemu na ne kushuŋso na nna a mata abarso ewɔrɔpo be kabon na ne buko male bee barga amo to. Mbɔŋ, Nkraŋ, Mbɔtɔɔ bee sibe amo nna a mata abarso ashɛ ewɔrɔpo be eyilikpa ama Ngbanya, Nwɔŋ, Mfafar ne bedamta bre bee barga amo to nna ashɛ ewɔrɔpo be eyilikpa.

KEKRAŋ N DAŋESO

1. Fromkin, V. & Rodman, R. & Hyams, N. (2007) Introduction to Language. (Eighth edition) Thomson Wadsworth.
2. Bulɔ afuuto be kebɔr ere so n keni atere be ashuŋ be vidiyo ashi Mbronito be ngbarbembra.
3. Noun Functions in English Grammar with Examples

APUNTOSO

Menye teŋ bii adulwiso be asheŋ. Ne ntun so, menye e ta adulwiso asa mone menyeen ta n kuu mmalgafol n delge ade so:

- a. Fobe ebiikpabu
- b. Fo teri kpakpaso
- c. Fobe sukuru be kulonde
- d. Fobe kanaŋ

‘*Kedulwiso*’ la kamalgaba nna ne ku bee buwito nko a delge ketere so. Bu ko adulwiso nna a delge esa nko kuso ko be kapor so nko n ta a karga kuso pote so.

Jande baa deso: Ngbar kama ne kanane kumobe adulwiso du. Keni ade:

- a. Awundre bee sha alaŋ **dra**.
- b. Kebinyensobi na du *tenteŋ* n shin *walso*.
- c. Amaabaŋe du *warewarebi* achɔ mo siponyen.

Ashi (a) to, “*dra*” bee delgeso nko a buwito alaŋ be dubi mone emalgapo na bee sha nna. Ashi (b) to, “*tenteŋ*” ne “*walso*” bee delge kebinyensobi na be kapor so nna. Ashi (c) to, bu ta “*warewarebi*” na nna n ta Amaabaŋe ne mo siponyen be kanyiasheŋ a kesar abar.

Adulwiso be mbra/ashun

Mbra mone bu ko a ta adulwiso a kuu mmalgafol kor abarto nna ashi Ghana be ngbarana to.

Amobe adamta to, adulwiso bee shun Ngbanyato fane:

1. Ku bee delge ketere so ashi kamalgafol to nna. Keni ade:
 - a. Gbaŋe *nyaso* na bee shile achɔ ade na kike.
 - b. N wu kowu *gbongboni*.
2. A bee be atere mone a bee delgeso na so nna. Keni ade:
 - a. Kowu *nyaso* na tor.
 - b. Kechɛ *gbon ko* yo epe.

Menye daŋ bii adulwiso be ntunso kamanto ndon. Amobe akeniso ko e wo kaseto ere na:

Keta ketankesar be adulwiso n kuu mmalgafol

- a. Ade la ajibi *putɔputɔ* nna.
- b. Fo amansherbi du *fimbi achɔ* meya.

Keta kesatobi be adulwiso n kuu mmalgafol

- a. N tɔ amalo *gbere ko*.
- b. Abuku *damta* wɔ mabe daka to.

Keta kedelgesobi be adulwiso n kuu mmalgafol

- a. Ekulonɔ na *dra* nna.
- b. Ajibi na kɔ *kayelga*.

Kushuɔ 1 (Kunyɔnyɔto be kushuɔ)

1. Keni kaseto be adulwiso kudu ere. Ta amo n kuu mmalgafol. Ne feɛn tiɲ, leɲ fo kumu to n ta amo n kuu mmalgafol birabarso nko mmalgafol milto.
 - a. mamachi
 - b. maɲ wɔbel
 - c. kenishipre/maɲ kɔ kachina
 - d. dra
 - e. shibi/gboɲgboɲi
 - f. niɲi/bulo ekpa
 - g. fulito
 - h. wale
 - i. dra to
 - j. kpakpa
2. Naniere ta fobe akeniso na n kesar fo barkasa peya. Manɛ nɛ menye peshe? Blase n ta menyebe lakal n ɲini menye braana ashi ebiikpa to.

Kushuŋ 2

1. Sibɛ adulwiso be akeniso kudu n nase.
2. Ta adulwiso na be anu n kuu mmalgafol ere be ntunso.
 - a. kamalgafol jewulebi
 - b. kamalgafol birabarso
 - c. kamalgafol milto
3. Delgeso adulwiso be mbra monɛ a bee shuŋ Ngbanya to ashi fobe akeniso monɛ fo sibɛ na to.

KEPALTO BE MBISHI

1. Krañ kaseto be kebɔaya ere n shin sibe adulwiso kudu monɛ fo wu kumo to.

Baasa damta fara a pin kananɛ anyebe kebawɔtɔshɛɲ bee tɔrɔ anyebe achambɔ. Achambɔ be kekunɲ daga ku ka la kesheɲ kpɔra nna n sa anye kike. Ama baasa gberɛ e kɔ kenyi gberɛ ta n lanɛ achambɔ be kekeniso nɛnɛ. Anyebe sheɲ be kemaɲ wɔtɔ be kebawɔtɔ e naa danɛso a jaje anyebe achambɔ ere karechekama. Fane epi be kele jagajaga, epi be kele, arɔba be kele, nɛ anye maɲ yiɛ le be kebawɔtɔ lubi, jimani ko been ba nɛ echefoso be mbia been ji awurfoɲ nkpal anyebe ku ta asheɲ a pel so. Amoso ku la kpɛmɛ nna n sa ma nɛ fo nɛ anye e wɔrɔ kenishipre n kun anyebe achambɔ. Ku la anyebe kushun/tileshi kpɔra nna nɛ anye e shun/beso n kun anyebe kenanasawule/Ebɔrɛ be kake gboɲ ere. Anyebe adabi lubi ta n lanɛ achambɔ be kapliɛ be jerbe ela nchu be keji anye, adɔɔjibi be kema wɔrɔ nɛnɛ.

2. Ta adulwiso monɛ fo pin na n kuu mmalgafol milto kudu.

KEPALTO BE MBISHI BE ATUWEBI

1. Kraŋ kebɔaya na n shin sibe adulwiso kudu kumo to.
 - a. adamta
 - b. kejaje
 - c. achambɔ
 - d. kpra
 - e. gberɛ
 - f. gberɛbi
 - g. lɛla
 - h. shɛŋ maŋ wɔtɔ
 - i. karɛchɛkama
 - j. jagajaga
 - k. lubi
 - l. echefoso
 - m. maŋ walɛ/ebasa
 - n. shɛŋ maŋ wɔtɔ
 - o. kekpra
 - p. kenishipre
 - q. Ebɔrɛ be kakɛ
 - r. saŋɛkama
 - s. maŋ wɔrɔ nɛnɛ
2. Ta adulwiso monɛ fo pin na n kuu mmalgafol milto kudu. Akeniso ko e wɔ kaseto ere.
 - a. Edi la mabe *karɛchɛkama* be adabi nna.
 - b. Ku maa sa bunyaŋ la adabi *lubi* nna,

Kekraŋ n tiiso

1. Adomako, K., Odoom, J. and Sackitey, M. (2023). *Akan kasa nhyehyɛɛ wɔ Asante Twi mu*. Adonai Publications Limited (Topic on verbs, nouns and adjectives)
2. Amegashie, S.K. (2004). *Evegbe ɲɔŋlɔ*. Aflao: Victus Printing Services, Market Square
3. Fromkin, V. & Rodman, R. & Hyams, N. (2007). *Introduction to Language* (Eighth edition). Thomson Wadsworth. (topic on verbs, adverbs, nouns and adjectives)
4. Joshi, M. (2021). *Nouns in the English Language: Types and examples*. Manik Joshi. (Topic on nouns)
5. Thakur, D. (1998). *Linguistics simplified: Syntax*. Delhi: Bharati Bhawan. (open word class which are nouns adjectives, verbs and adverbs)

Ta a yɔ kasɔbii ere be lalaluwe, feɛŋ tiŋ ta ashunso ne adelgeso be mbra ashi Ngbanyato n kuu mmalgafol.

ASHUŊSO

Keta ashuŋso ne adelgeso a kuu mmalgafol ashi Ghana be ngbarana to ko mbra mone anyee beso nna. Le be mbra e na cheto ne kasibe na bee lar anishi a sa ne ekranpo na bee pin kebaya na be kefiito nene. Kebaa ta Ghana be ngbarana be mbra ashuŋ fobe kasibe to bee sa na ne fee kuu mmalgafol mone a ko kefiito nene Ngbanyato.

Pae ne anye e bii mbra na, anye e palto kuso mone ku la kushuŋso to. Keni akeniso mone a wo kaseto ere. Mmalgaba mone a nyoo a cho amo braana na la ashuŋso nna.

1. Edoo na bee **buse** mobe kadoo na saŋe kike.
2. Mbia na bee **nite** a yo sukuru nna Alijima kama.
3. Anye bee **teto** kachipurso kike nna a saŋe anyebe eyur to.

Kushuŋso ela kamalgaba nko kamalgafolshin mone bu ko a nini keshejworo. Kushuŋso la kamalgafol be eworopo na be kaba nna. Kuma, kumo ela kamalgafol be eworopo na be kumu.

Kebaa ta ashuŋso be mbra a shuŋ mmalgafol to

Kebaa ta ashuŋso be mbra a shuŋ mmalgafol to kor abarto ashi Ghana be ngbarana to. Mbra na be ako nde:

1. Ashuŋso e naa nini kuso mone eworopo na bee woro ashi kamalgafol to. Fane
 - a. Jonoo na bee **gbu** kekulon na ase saŋekama.
Mfa, kushuŋso **gbu** bee kaŋe anye na kuso mone eworopo “jono na” bee woro kekulon na ase.
 - b. Bebiipo na bee **dii** cheche nna a yo sukuru chipurso kike.
Kushuŋso **dii** bee kaŋe anye na kuso mone eworopo “bebiipo na” woro.
2. kushuŋso bee kaŋe anye na kanane eworopo na du kamalgafol na to. Fane: Koji **nya** kagbenefuli mobe nsulwe na be lalaluwe.
Mfa, kushuŋso **nya** bee kaŋe anye kanane eworopo “Koji na” du na nsulwe na be lalaluwe.
3. Kushuŋso bee shuŋ fane kamalgafol be eworopo na be kumu na. Fane
 - a. Ekulon potiibi na bee **shile** eleŋso.

Kushuṅso “shile” ela kamalgafol na be eworopo na be kumu, “shile elenṣo”

- b. Bebiipo na bee **dii** cheche nna a yɔ sukuru chipurso kike.

Mfa gba kuma kushuṅso “dii” ela kamalgafol na be eworopo na be kumu, “dii” cheche nna a yɔ sukuru chipurso kike.

4. Ghana be ngbarana to (Ngbanyato), ashuṅso maa bir ntilemu woropo so ashi kamalgafol to ama beko bee ta amo nna abir abarso. Fane:

- a. E ji ajibi na kike.

Mfa katilemu woropo “E” na barga ne kushuṅso “**ji**” na nna.

- b. Bu to kaboe.

Akeniso ere to, katilemu “Bu” na barga ne kushuṅso “**to**” na nna.

Kushuṅ 1

Dinito kusɔ ne ku la kushuṅso ne fo gbagba be mmalgaba. Sa amobe akeniso kudu.

Kushuṅ 2

Ta fobe akeniso ashi (kushuṅ 1) na to n kuu mmalgafol anu nu ashi mmalgafol ere be ntunso to.

- a. mmalgafol jewulebi
- b. mmalgafol birabarso
- c. mmalgafol milto

Kushuṅ 3 (Kunyonyoto be kushuṅ)

1. Keni ashuṅso kudu monɛ a wɔ kaseto ere. Ta amo n kuu mmalgafol. Ne feɛɲ tiɲ, leɲ fobe kumu n ta amo n kuu mmalgafol bir abarso nko mmalgafol milto. Akeniso na kike la ashuṅso chargaso nna— feɛɲ tiɲ charga amo nkpal fobe kesheɲtirso na so.

- a. ponte
- b. solo
- c. kasha

- d. dufe
- e. fara/kii
- f. fiti
- g. bii
- h. kishi
- i. bata
- i. wushi

Naniere ta fobe akeniso na n kesar fo barkasa. Fobe akeniso na be mbra mone fo bii na so? Blase n ta fobe lakal n nini fo braana ashi ebiikpa to.

Kushuṅ 4

- a. Dini to ashunso be ntun mone fo bii kaba ere to nna.
- b. Ta fo gbagba be mmalgaba n nini ashunso be ntun mone fo bii ere to n shin ta kekama be akeniso koko n kuu mmalgafol.

Kushuṅ be daṅeso

Ne ntunso menye e ninito kushunso be mbra ashi kamalgafol be kasibe to. Fane akeniso ere:

- a. Katilemu na ka wɔ ewɔrɔpo na be kaba so.
- b. Katilemu na ka wɔ esɔpo na be kaba so.

Adelgeso

Anye ban keni ashunso be mbra ashi kamalgafol to na n luwe nna. Naniere anye e keni adelgeso be mbra ashi kamalgafol to.

Fo nyiṅi aso mone a la adelgeso?

Adelgeso la mmalgaba nko mmalgabafolshin nna ne a bee buwito kushunso nko kumo barkasa kedelgeso ko so a nini kabon, saṅe, eyilikpa ne adamta. Adelgeso be akeniso be kanane a wɔ mmalgafol ko to nde:

1. Bu ba **mfa**. (kabon)
2. Anye fo chipurso **karfe ashunu**. (saṅe)
3. Bɔl be katun na pel ne **kagbenefuli**. (kanane)

Adelgeso mone a wɔ mmalgafol mone a wɔ esoso ere to na ela **mfa**, **karfɛ ashunu** nɛ **kagbenefuli**.

Mbra/ashuŋ

Kebaa ta adelgeso be mbra a shuŋ mmalagafol to kɔr abarto ashi Ghana be ngbarana to.

Mbra/ashuŋ na be ako nde:

1. Adelgeso bee shuŋ fane adelgesofolshiŋ be kumu. Fane

a. Benyen na malga **aworso ga**.

b. Keshɛwɔrɔ na luweto **epulto**.

Adelgeso **aworso** nɛ **epulto** shuŋ nna fane adelgesofolshiŋ nɛ adelgesofolshiŋ be kumu.

2. A bee shuŋ nna a delge amo braana adelgeso so. Fane

Bu pel **nɛnɛ ga**.

a. Bebiipo na sulwe **nɛnɛ kebaŋso**.

Mmalgafol mone a wɔ esoso na to, kedelgeso **nɛnɛ** delge kumo braakasa kedelgeso **ga** so, nɛ **nɛnɛ** gba delge kedelgeso **kebaŋso** so.

Kushuŋ 1

a. Menye e ŋinito kusɔ nɛ ku la kedelgeso menyebe katuŋ to n shin ta menyebe atuwebi na n kasar ntuŋ pɔtɛ peya.

b. Sibe Ngbanyato be adelgeso kudu.

Kushuŋ 2

Ta fobe akeniso ashi (a) na to n kuu mmalgafol anu nu ashi mmalgafol ere be ntunso to.

a. Kamalgafol jewulebi

b. Kamalgafol birabarso

c. Kamalgafol milto

Kushuŋ 3 (ntuŋso be kushuŋ)

1. Keni adelgeso kudu mone a wɔ kaseto ere. Ta amo n kuu mmalgafol. Ne feeŋ tiŋ, leŋ fobe kumu n ta amo n kuu mmalgafol bir abarso nko mmalgafol milto.
 - a. aworso
 - b. kabre
 - c. mfa
 - d. kebitaso
 - e. mananmanan
 - f. echefo
 - g. kowushina
 - h. bɔiŋbɔiŋ
 - i. apalto
 - j. naniere

Naniere ta fobe akeniso na n kasar fo barkasa. Fobe akeniso na be mbra mone fo bii na so? Wɔrɔ aniya n ta fobe lakal na n ŋini fo baraana ashi ebiikpa to.

KEPALTO BE MBISHI

1. Kraŋ kebɔaya monɛ ku wɔ kaseto ere nshin pin **ashuŋso** nɛ **adelgeso** kike monɛ a wɔ kumo to na.

Bu kaa bee kuse a luwe bumobe kemigto na, bu wushi eyur n kraŋ kapliekama, a wɔtɔ lakal fanɛ kusɔ kama yɔ so nɛnɛ. Bu ta bumobe kemigto na n sa nɛ kagbenefuli nkpal bu sa yarda fanɛ bu luwe kumo nɛnɛ. Eŋinipo na kraŋ kumo nɛnɛ, a gba kumu fanɛ kushuŋ na nite nɛnɛ. Bebiipo na mushe nɛ kagbenefuli, adendeleŋto nɛ kayurwushi bu ka tiŋ luweto kemigto na nɛnɛ.

2. Ta ashuŋso nɛ adelgeso monɛ fo wu kebɔaya na to na m be fobe mbra be kenyi na so n kuu mmalgafol anu.

KEPALTO BE ATUWEBI

Ashunso: luwe, kraṅ, sa, nite, gba, yɔ, mushe,

Adelgeso: kuse, kapliekama, kagbenefuli, nene, kayurwushi, adendelenṅto

Sibe mmalgafol ne alie keɔaya mone fo kraṅ nna.

KEKRAŋ N DAŋƐSO

1. Owu-Ewie C. (2020). Mfantse kasa ngyegyee na kasa mbra ho adzesua buukuu ma nsɔwdo skuul esuafo. Shine Prints Company Limited.
2. Ago, S.A. (1992). Agoo. Ghana Publishing Company.
3. Amartey A.A. (1966). Omanyɛ aba. Bureau of Ghana Languages.

NWOLCHƐTOPO

1. Haspelmath, M. (2001). Word classes and parts of speech. *In International Encyclopedia of the Social and Behavioral Sciences* (pp16538-16545). Doi:10.1016/Bo-08-043076-7/02959-4
2. Lier, E. V. (2024). *The Oxford handbook of word classes (oxford handbook)*. Oxford University Press.
3. Miguel, J., M. G. (2015). *Transitivity and word classes*. <https://doi.org/10.1075/ivitra.9.13gar>
4. Prempeh, A. A. (2021). *Asante Twi Nyansapɔ*. Premesco Publications.
5. Simone, R. & Masini, F. (eds). (2014). *Word classes (Current issues in linguistic theory)*. John Benjamins Publishing Company.

ACKNOWLEDGEMENTS



Ghana Education Service (GES)

